



Inatsisartunut Ilaasortaq  
Agathe Fontain, Inuit Ataqtigiit

14. juli 2015  
Sagsnr. 2015-3479  
Dok. Nr.686772

## **Aalisariutini naalakkanik 1. gradimik ilinniartitsineq pillugu § 37 naapertorlugu apeqqummut akissut**

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

Asasara Agathe Fontain

Aalisariutini naalakkanik 1. gradimik ilinniartitsineq pillugu apeqqutinnut qujavunga.

Apeqqutitit Naalakkersuisut sinnerlugit matumuuna ataani akivakka.

- 1) Aalisariutini naalakkanik qassinik angusisunik nunatsinni ilinniartitaqarsimavugut?*

### **Akissut:**

Aallaqqaasiullugu erseqqissarneqassaaq Imarsiornermik Ilinniarfiup, apeqqutitut tunngavilersuutini ersittutut, ilisimatitsissutiginnikkaa 1. gradimik aalisariutini naalakkatut ilinniarsimasut tamarmik nunat tamat imartaanni naalagaasinnaasut. Imarsiornermik Ilinniarfik ilisimatitsivoq killeqanngitsumik akuersissutinik (STCW-mik oqaaseqaateqartunik) tunineqartut tamarmik piffissami pisariaqartumi immami angalasimanissaat aammalu 1. gradimik Angallatini Naalakkatut allagartamik tunineqarsimanissaat piumasaqaatigalugu nunat tamat imartaanni naalagaasinnaasut. Tamassuma anguneqarnissaata tungaanut inuit ataasiakkaat 1. gradimik Aalisariutini Naalakkatut soraarummeernermi angusisimasut taamaallaat aquttutut nunat tamat imartaanni angalasinnaapput. Tamanna pillugu apeqqummut 3-mut ataani akissummi annertunerusumik ilisimatitsisoqarpoq.

Aalisariutini naalakkatut 1. gradimik ilinniarsimasut amerlassusaat pillugit 1997-miit siumut paasissutissanik Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik (IKIIN)

Imarsiornermik Ilinniarfik aqutigalugu paasissutissanik pigisaqarpoq (aqumiutut ilinniartitsineq Paamiuniit nuunneqarnerata kingorna). Aalisariutini naalakkatut 1. gradimik ilinniarsimasut amerlassusaat ataani allaqqapput.

1997: 2	2007: 3
1998: 7	2008: 1
1999: 7	2009: 0
2000: 2	2010: 0
2001: 8	2011: 0
2002: 2	2012: 0
2003: 4	2013: 0
2004: 8	2014: 0
2005: 3	2015-1: 6
2006: 3	Katillugit: 56

*2) Taakkunani qassit tuluit oqaasiinik akuersissutitaqanngillat?*

**Akissut:**

IKIIN Imarsiornermik Ilinniarfik aqutigalugu piffissap 2013-ip siorna ilinniartitsinerup Paamiuniit Nuummut nuunneqarfiani tamanna pillugu naatsorsuinernik pigisaqanngilaq. 2013-ip kingorna Imarsiornermik Ilinniarfimmi ilinniartut tamarmik tuluttut akuersissuteqarput.

*3) Aalisariutini naalakkat nunarsuaq tamakkerlugu akuerisaasumik uppernarsaammik peqalersut qassit maani nunatsinni ilinniarsimasuuppat?*

**Akissut:**

Soraarummeernerup kingorna Imarsiornermik Ilinniarfik soraarummeersimanermik uppernarsaammik tunisisarpoq, kisiannili Danmarkimi Søfartsstyrelsen ataasiakkaanit qinnuteqartoqarnerata kingorna STCW-F pillugu isumaqatigiissut naapertorlugu STCW-F-mik akuersissummik tunisisarpoq (nunat tamat akornanni akuersissut). Søfartsstyrelsen-ip naatsorsuinerani ersippoq katillugit inuit 17-it 1. gradimik aalisariutini naalakkatut ilinniakkaminnik naammassinnissimasut kalaaliusutullu nalunaarsorneqarsimasut piffissami 1997-2015 nunat tamat akornanni aalisariutini naalakkatut allagartartaarsimasut. Inunnit taakkunanga aqqanillit ullumikkut nunat tamat akornanni allagartaqarput. Ilisimatitsissutigineqassaaq allattuivik tamakkiisuusin-naanngitsoq, tassa Kalaallit Nunaanni qinnuteqartut assersuutigalugu

nunat tamat akornanni allagartamik qinnuteqarnermini danskiusutut  
nalunaarsorneqarsimasinnaammata.

Inussiarnersumik inuulluaqqusilluta



Nivi Olsen